

Alasdair McDiarmid

Ysgrifennydd Cyffredinol Cynorthwyol

Undeb Community

27 Hydref 2025

Annwyl Alasdair,

Gwybodaeth ddilynol ar ôl y sesiynau tystiolaeth ar 9 Hydref

Diolch i chi am roi tystiolaeth ar 9 Hydref ynghylch datblygiadau yn Tata fel rhan o ymchwiliad y Pwyllgor i ddyfodol dur Cymru.

Yn dilyn y cyfarfod, mae'r Pwyllgor yn awyddus i gael dealltwriaeth ddyfnach o sut mae'r undebau'n parhau â'u perthynas â'u haelodau yn dilyn y diswyddiadau gan Tata, a sut mae'r undebau wedi estyn allan at aelodau sydd wedi colli eu swyddi er mwyn eu cefnogi i ailymuno â byd gwaith.

Byddwn yn ddiolchgar pe gallech chi, felly, fanylu ar y dull y mae eich undeb wedi'i gymryd mewn perthynas â'r materion hyn yn dilyn y diswyddiadau gan Tata, a sut mae'r undebau wedi cydweithio i sicrhau ymateb cyson a chydlynol. Fel rhan o'r ymateb, byddai'r Pwyllgor yn gwerthfawrogi cael rhagor o fanylion am y dulliau ar gyfer cyrraedd y gweithwyr hynny sydd wedi ymgysylltu llai â'r cymorth sydd ar gael, ac ar gyfer cefnogi'r rhai sy'n byw ymhellach i ffwrdd o Bort Talbot.

A allwch chi hefyd roi gwybod i ni a yw eich undeb yn cynnig cyfraddau penodol fel y gall aelodau di-waith barhau i fod yn aelodau o'u hundeb ar ôl iddynt gael eu diswyddo?

Rwyf wedi ysgrifennu at y tri undeb dur ac at y Pwyllgor Aml-Undeb mewn termau tebyg a byddwn yn hapus i gael ymatebion unigol neu atebion ar y cyd i'r pwyntiau a godwyd.



Yn gywir,

Andrew RT Davies

Andrew RT Davies AS

Cadeirydd: Pwyllgor yr Economi, Masnach a Materion Gwledig

Croesewir gohebiaeth yn Gymraeg neu Saesneg

